

զեաց թորոս կաթողիկոսն զհողին իւր առ Աստուած զուարթ երեսօք: Եւ ի հինգերորդ պահուց երեկիս Մարտիրոս վարդապետն եկն յերուսաղէմայ, և մեր լեալ ի Սուրբ Նիկողոս մօտ ի վաղջանեալն՝ ոչ կարացաք գնալ ընդ առաջ նորա, այլ ի քահանայիցն որ անդն կային՝ յղեցաք առ նա զի եկեսցէ առ մեզ, և նոյն ժամայն եկն: Եւ Սաչատուր վարդապետն և թագէտս¹⁾ եպիսկոպոսն և Ղազար վարդապետն եկեալ ժողովեցան ի թաղումն երանելոյն. և ի հասարակել աւսւրն սկսաք պաշտել զկարգն մինչ ի մուտս արեւուն, տանելով զնա ի մէջ եկեղեցոյն. և զգիշերն անդ թողեալ պահէին զնա հաբեղայք նորին և աշակերտքն:

Եւ ի հասարակել գիշերոյն (30 Ապրէլ) ելեալ զնացաք յեկեղեցին և առաք զսաղմոսն և աւրհնեցաք զժամն, եւ Դ քահանայք յաջմէ եւ յահեկէ զսուրբ Աւետարանն սկսան կարդալ²⁾ մինչ ի լրումն ժամին, և Տէր Մարկոս կրօնաւոր նորին արար զպատարագն փըրկական. և յետ պատարագին զգեստաւորեալ ամենեքեան քահանայք մոմեղինօք և խնկօք և օծին. և ապա ել Սարտիրոս վարդապետն ծանուցանել զաղէտ սուրբ Հօրն վաղջանելոյ՝ սակաւ ինչ, զի տարածամեցաւ: Եւ ապա զայլ կարգոն կատարեալ պատվով. և ապա վարդապետքն բարձին զգին մինչ ի գուռս եկեղեցոյն, և ապա հրամայեալ քահանայիցն զի բարձցեն՝ և բարձին. և մեք³⁾ յաջմէ և յահեկէ ասէաք զերգս շարականաց մինչ ի կամարն Սրբոյն Գէորջայ: Եւ ոչ զոք թողին մօտիլ ի դագաղն յաշխարհականաց, այլ քահանայից միայն, վասն զի ամենեքեան անդ ժողովեալ էին ի պատիւ թաղման երանելոյն: Եւ իբրեւ մերձ եղաք ի կամարն Սրբոյն Գէորջեայ, ելին յե-

1) թաթէտս.

2) կարդան.

3) մեր.